

Concert en favur dalla baselgia claustrala

Gregor Schmitt-Bohn diregia i gl Orchester da sinfonia Lions a Mustér

■ (anr/hh) El rom dil Forum claustral ha in concert da benefeci d'emprema qualitat en favur dalla restauraziun dalla baselgia claustrala liug ils 5 d'avrel 2018 ella Sala Peter Kaiser dalla claustra a Mustér. Gregor Schmitt-Bohn diregia il sulet orchester da sinfonia da Lions. Sco solista ei Morgane Grandjean d'udir. Ils 8 da schaner 2018 ei l'escha dalla baselgia claustrala a Mustér vegnida serrada pils proxims rodund dus onns. En quei temps vegn il sanctuari da gronda valeta culturala e da muntada naziunala restauraus cumpleinamein. Da s. Martin 2019 duei la baselgia seprentar en niv vestgiu. Per saver finanziar quei grond project da restauraziun ha la claustra lantschau ina gronda acziun da donaziun i gl onn 2014 per siu giubileum da 1400 onns. Beinspert ha quella purtau fretg. Igl extern dalla baselgia barocca ha gia saviu vegnir restauraus, las lavurs egl intern ein vegnidas lantschadas avon paucas jamnas. Sils davos pass ch'ei da far, e quels ein enconuschentamein adina ils pli grevs, fan entgens aranschaments attents il proxim temps.

In concert extraordinari

Aschia ei i gl Orchester da sinfonia tudestg Lions che tgira ina buna relaziun cul Club da Lions Tgina dil Rein e cun siu secretari *Martin Tomaschett* da Trun sedeclaraus promts da sustener la restauraziun dalla baselgia. El senn da sias activitads suls cunfins ora en favur da cultura e carstgauns dat el in concert extraordinari en claustra a Mustér per aschia sustener finanziamein ils proxims pass dalla restauraziun dalla baselgia claustrala. Igl orchester – il sulet da sia specia da Lions sigl entir mund – vegn dirigius personalmein da siu iniziatur e fundatur *Gregor Schmitt-Bohn* dad Emmendingen. Il concert ha liug gievgia, ils 5 d'avrel 2018 ella Sala Peter Kaiser dalla claustra a Mustér. Digl orchester che secumpona da 50 musicists – da quei la gronda part d'amitgas ed amitgs dils Lions – seprentan 35 al concert. La giuvna solista *Morgane Grandjean* ch'ha



Igl Orchester da sinfonia Lions cun siu dirigent Gregor Schmitt-Bohn.

FOTOS MAD

gudignau in premi alla concorrenza da musica d'Europa dils Lions a Monteuux suna communablamein cu gl orchester sin la trumbetta il concert da solo en esdur da Joseph Haydn. Quei cural dalla litteratura classica da concert vegn enramaus d'ulteriuras ovras ord quell'epoca: L'ouverture «Clemenza di Tito» da Mozart, la sonata da baselgia en d-dur KV 245, e la tiarza part ord la tiarza sinfonia da Schumann, l'aschinumnada «Rheinische Sinfonie».

Il Rein sco ispiraziun

Il Rein sco aveina principala dall'Europa ha colligiau Mustér e la Tiaradestga gia avon quater onns. Il chor dil gimnasi e digl internat dalla claustra da Mustér ei numnadamein ius sin turnea



La solista Morgane Grandjean.

cun l'ovra «Ut unum sint» naven dalla tgina dil Rein entochen a Cologna. El ha purtau ora el mund la nova legrevla dil zenn grond dalla claustra: Ch'ils carstgauns seigien in'unitad. L'amicezia denter il Club da Lions e la claustra da Mustér cun sia scola ei restada – dalla tgina dil Rein entochen el sid dalla Tiaradestga e Cologna. Quell'amicezia duei vegnir sutastrihada danovamein cun musica da Mozart, Haydn e Schumann.

Concert da benefeci gievgia, ils 5 d'avrel 2018 allas 20.30 ella Sala Peter Kaiser dalla claustra a Mustér. Igl Orchester da sinfonia Lions e la solista Morgane Grandjean presentan ovras da Mozart, Haydn e Schumann sut la direziun da Gregor Schmitt-Bohn. Negina prevendita, collecta en favur dalla renovaziun dalla baselgia claustrala.

Serrada da la via sursilvana H19

■ (poca) Pervia da lavurs da construcziun sto il traject en il vitg da Trun, km 39,40 fin km 39,70, da la via sursilvana H19 vegnir serrà per tut il traffic a partir da mardi, ils 3 d'avrigl 2018, fin gievgia, ils 19 d'avrigl 2018, mintgamai da las 22.00 fin las 05.00 (cun excepziun da la notg da venderdi e da sonda).

Sviament: Per vehichels fin 7,5 t è signalisà in sviament.

Remartgas: Per pedunas, peduns, ciclistas e ciclistas vegn er endrizzà in sviament.

Adressa da contact: Uffizi da construcziun bassa dal Grischun, district 6 Glion, tel. 081 257 68 88.

Per ulteriuras infurmaziuns guardar il suandant link. Polizia chantunala dal Grischun; Tecnica da traffic.

CENTER DA FORMAZIUN SURSELVA

Certificat Q2E per la Scola mercantila

(cp) La Scola mercantila a Glion ha la fin fevrer 2018 terminau cun success il process da certificaziun Q2E. Suenten il hearing da certificaziun ha ella astgau retscheiver il mars il certificat da Q2E, scalem «master». Q2E stat per qualitat entras evaluaziun e svilup e cumpeggia in model cumplessiv per sviluppar la qualitat en scolas ed autras instituziuns da formaziun.

La Scola mercantila dil Center da formaziun Surselva meina sut siu tetg la Scola media propedeutica (FMS), la Scola media mercantila (HMS) e la Scola professiunala da commerci (KV). El rapport dil hearing vegn attestau ad ella ina cultura da scola e da qualitat zun iniziativa, engaschada ed attractiva. La Regiun Surselva sco purtadra, la direziun e tut ils emploiai dalla Scola mercantila Surselva selegnan dil certificat contonschiu.

AUGURIS

Gratulaziun a Mustér/Cuera: La tatta Yvonne Bundi-Theiler, Curaglia/Vella, gratulescha da cor a sia biadia *Andrina Bundi*, Mustér e Cuera, per siu grond success professiunal.

Ella ha serrau giu dacuort siu studi en giurisprudenza cun il Master of Law alla Universitad da Turitg.

reclama

Oster-Knaller



20%

auf alle Champagner
und Schaumweine* –
auch auf bestehende Aktionspreise!

Gültig in allen Denner Verkaufsstellen, unter
denner-wineshop.ch und in der Denner App.

*Ausgenommen Online Specials.
Nicht mit anderen Gutscheinen und
Bons kumulierbar. Solange Vorrat.

Denner Lachsfilet

ohne Haut,
Norwegen,
2 x 190 g



44%

9.90 statt 17.90*

Rocca Rubia Carignano del Sulcis DOC Riserva

2014, Sardinien,
Italien, 75 cl



33%

12.90 statt 19.50*

Kent

Switch / Core Silver / Core White /
Taste+ Surround Menthol / Taste+ Surround Silver
Box, 10 x 20 Zigaretten



- 8 Fr.

78.- statt 86.-*

Einzelpackung: 7.80 statt 8.60*

*Konkurrenzvergleich

Aktionen gültig von Donnerstag, 29. bis Samstag, 31. März 2018 / solange Vorrat / Druck- und Satzfehler vorbehalten / jetzt abonnieren: denner.ch/newsletter

Einer für alle **DENNER**